

**ФЕДЕРАЛНА УПРАВА
ЦИВИЛНЕ ЗАШТИТЕ**

Na osnovu člana 190. stav 4. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03 i 22/06), direktor Federalne uprave civilne zaštite donosi

PRAVILNIK**O SADRŽAJU I NAČINU VRŠENJA INSPEKCIJSKOG NADZORA U OBLASTI ZAŠTITE I SPAŠAVANJA IZ NADLEŽNOSTI FEDERALNE I KANTONALNIH UPRAVA CIVILNE ZAŠTITE****I. OSNOVNE ODREDBE**

Član 1.

Ovim pravilnikom uređuje se sadržaj i način vršenja inspeksijskog nadzora u oblasti zaštite i spašavanja ljudi i materijalnih dobara od prirodnih i drugih nesreća, za inspekciju iz nadležnosti Federalne uprave civilne zaštite (u daljnjem tekstu: Federalna uprava) i nadležnosti kantonalne uprave civilne zaštite (u daljnjem tekstu: kantonalna uprava) koja je uređena Zakonom o zaštiti i spašavanju ljudi i materijalnih dobara od prirodnih i drugih nesreća (u daljnjem tekstu: Zakon o zaštiti i spašavanju).

Član 2.

Ovaj pravilnik primjenjuje se na vršenje inspeksijskog nadzora u oblasti zaštite i spašavanja iz nadležnosti Federalne uprave i kantonalne uprave koji je utvrđen u čl. 190. i 191. Zakona o zaštiti i spašavanju.

Član 3.

Poslove inspeksijskog nadzora u oblasti zaštite i spašavanja iz nadležnosti Federalne uprave, odnosno nadležnosti kantonalne uprave vrše inspektori i ostali državni službenici i to:

- 1) iz nadležnosti Federalne uprave - glavni federalni inspektor civilne zaštite (u daljnjem tekstu: glavni federalni inspektor) i federalni inspektori civilne zaštite (u daljnjem tekstu: federalni inspektori), kao i rukovodeći i drugi državni službenici iz te uprave, koje, u skladu sa odredbom člana 190. stav 3. Zakona o zaštiti i spašavanju, rješenjem ovlasti direktor Federalne uprave,
- 2) iz nadležnosti kantonalne uprave - glavni kantonalni inspektor civilne zaštite (u daljnjem tekstu: glavni kantonalni inspektor) i kantonalni inspektori civilne zaštite (u daljnjem tekstu: kantonalni inspektori), kao i rukovodeći i drugi državni službenici iz te uprave, koje, u skladu sa odredbom člana 191. stav 2. Zakona o zaštiti i spašavanju, rješenjem ovlasti direktor kantonalne uprave.

Član 4.

Glavni federalni inspektor i federalni inspektori Federalne uprave i glavni kantonalni inspektor i kantonalni inspektori iz kantonalne uprave, imaju iskaznicu inspektora koju inspektorima izdaje i to:

- 1) za glavnog federalnog inspektora i federalne inspektore Federalne uprave, iskaznicu izdaje direktor Federalne uprave,
- 2) za glavnog kantonalnog inspektora i kantonalne inspektore kantonalne uprave, iskaznicu izdaje direktor kantonalne uprave.

Iskaznica inspektora se izrađuje prema Pravilniku o obliku i sadržaju iskaznice inspektora organa uprave u Federaciji Bosne i Hercegovine za inspekcije koje nisu organizirane u okviru posebnog organa uprave za inspeksijske poslove ("Službene novine Federacije BiH", broj 73/06 - u daljnjem tekstu: Pravilnik o iskaznici inspektora).

Iskaznica inspektora iz stava 2. ovog člana služi za dokazivanje službenog svojstva inspektora, identiteta inspektora i da je ovlašten za vršenje inspeksijskog nadzora iz oblasti zaštite i spašavanja, u skladu sa Zakonom o zaštiti i spašavanju.

II. SADRŽAJ I NAČIN VRŠENJA INSPEKCIJSKOG NADZORA IZ NADLEŽNOSTI FEDERALNE UPRAVE**1. Nosioци zaštite i spašavanja u kojima se vrši inspeksijski nadzor i sadržaj tog nadzora**

Član 5.

U skladu sa odredbama člana 190. stav 1. Zakona o zaštiti i spašavanju, inspeksijski nadzor iz nadležnosti Federalne uprave vrši se u sljedećim organima i pravnim licima:

- 1) u federalnim ministarstvima i drugim organima federalne uprave,
- 2) u kantonalnim ministarstvima i drugim organima kantonalne uprave,
- 3) u općinskim službama za upravu i drugim organima općinske uprave,
- 4) u pravnim licima iz člana 32. Zakona o zaštiti i spašavanju, koja su u Procjeni ugroženosti od prirodnih i drugih nesreća Federacije Bosne i Hercegovine (u daljnjem tekstu: Federacija) određena od značaja za zaštitu i spašavanje Federacije,
- 5) u pravnim licima i udruženjima građana u kojima su organizirane službe zaštite i spašavanja ili su ta pravna lica i udruženja u cjelini proglašena za službe zaštite i spašavanja od značaja za Federaciju.

Član 6.

Federalna uprava, u okviru svoje nadležnosti, vrši inspeksijski nadzor organiziranja i funkcioniranja zaštite i spašavanja iz nadležnosti Federacije, koja su utvrđena u članu 190. stav 1. Zakona o zaštiti i spašavanju, a koja se odnose na sljedeća pitanja:

- 1) provođenje Zakona o zaštiti i spašavanju i propisa donesenih na osnovu tog zakona;
- 2) pripreme federalnih ministarstava i drugih organa federalne uprave i službi zaštite i spašavanja koje organizira Federacija;
- 3) mjere zaštite i spašavanja koje proizilaze iz Plana zaštite i spašavanja od prirodnih i drugih nesreća Federacije;
- 4) pripreme civilne zaštite u pravnim licima iz člana 32. Zakona o zaštiti i spašavanju od značaja za Federaciju;
- 5) izdvajanje i korištenje sredstava za finansiranje civilne zaštite;
- 6) organiziranje i obučavanje kantonalnih i općinskih štabova civilne zaštite i specijaliziranih jedinica civilne zaštite;
- 7) organiziranje i obučavanje kantonalnih i općinskih operativnih centara civilne zaštite;
- 8) kontrolu kvaliteta, procedure sigurnosti i primjenu standardnih operativnih procedura u procesu deminiranja i uništavanju neeksplozivnih ubojnih sredstava;
- 9) raspored ljudstva u strukture civilne zaštite na nivou Federacije.

Član 7.

Inspeksijski nadzor iz člana 6. ovog pravilnika, ostvaruje se uvidom u sljedeća planska i druga dokumenta i akta, i to:

- 1) procjenu ugroženosti od prirodnih i drugih nesreća,
- 2) program razvoja zaštite i spašavanja,
- 3) plan zaštite i spašavanja od prirodnih i drugih nesreća,
- 4) opća i pojedinačna akta koja se odnose na formiranje štabova civilne zaštite, službi zaštite i spašavanja, jedinica civilne zaštite specijalizirane i opće namjene, povjerenike civilne zaštite i operativne centre civilne zaštite i popunu tih struktura ljudstvom i materijalno-tehničkim sredstvima,
- 5) opće akte koji se odnose na planiranje i provođenje obuke i osposobljavanje struktura civilne zaštite iz tačke 4. ovog člana,
- 6) planiranje i osiguranje finansijskih sredstava u budžetu i drugih sredstava prema odredbama člana 179. i njihovo korištenje za namjene utvrđene u odredbama čl. 182. do 189. Zakona o zaštiti i spašavanju,
- 7) prikupljanje i čuvanje finansijskih sredstava iz člana 180. Zakona o zaštiti i spašavanju i načinu rada komisija za namjene utvrđene u odredbi stava 4. tog člana i podzakonskim propisima koji su donešeni na osnovu st. 6. i 7. člana 180. Zakona o zaštiti i spašavanju,
- 8) akta o formiranju, sastavu i načinu rada komisija za procjenu šteta od prirodnih i drugih nesreća kantona i općina,
- 9) izgradnja, čuvanje i korištenje skloništa i zaklona, kao i plaćanje naknade za izgradnju skloništa i zakupnine po osnovu izdavanja skloništa u zakup i način korištenja tih sredstava,

- 10) сва druga akta i dokumenta koja se odnose na pitanja uređena Zakonom o zaštiti i spašavanju i podzakonskim propisima donesenim na osnovu tog zakona za koja je nadležna Federalna uprava.

Uvid u planska i druga dokumenta i akta iz stava 1. ovog člana ima za cilj da se utvrdi da li su predviđena planska dokumenta izrađena i donešena i da li su strukture civilne zaštite formirane u skladu sa Zakonom o zaštiti i spašavanju i podzakonskim propisima donešenim na osnovu tog zakona i da li rješenja u planskim dokumentima i organizirane strukture civilne zaštite odgovaraju realnim kadrovskim, materijalnim i drugim uslovima i potrebama odgovarajućeg nivoa vlasti na koji se odnose ti dokumenti i strukture civilne zaštite, a prema potrebama koje su utvrđene u njihovim procjenama ugroženosti od prirodnih i drugih nesreća.

U okviru nadzora iz stava 1. ovog člana vrši se procjena općeg stanja u odnosu na kvalitet, realnost i upotrebljivost procjene ugroženosti, programa razvoja zaštite i spašavanja i planova zaštite i spašavanja i drugih dokumenata koji se odnose na organizaciju i funkcioniranje zaštite i spašavanja.

2. Organizacija i način vršenja inspeksijskog nadzora

Član 8.

Inspeksijski nadzor iz nadležnosti Federalne uprave organizira se i vrši prema godišnjem programu inspeksijskog nadzora iz člana 11. ovog pravilnika.

Član 9.

U skladu sa odredbom člana 11. Zakona o državnoj službi u Federaciji Bosne i Hercegovine ("Službene novine Federacije BiH", br. 29/03, 23/04, 39/04, 54/04, 67/05 i 8/06), glavni federalni inspektor rukovodi poslovima koji se odnose na inspekciju iz nadležnosti Federalne uprave utvrđene u članu 6. ovog pravilnika.

Rukovođenje poslovima iz stava 1. ovog člana, glavni federalni inspektor ostvaruje u skladu sa odredbom člana 18. Uredbe o poslovima osnovne djelatnosti iz nadležnosti organa državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa ("Službene novine Federacije BiH", br. 35/04 i 3/06 - u daljnjem tekstu: Uredba o poslovima državnih službenika) i ovlaštenja koja su za glavnog federalnog inspektora utvrđena u Pravilniku o unutrašnjoj organizaciji Federalne uprave.

U vršenju ovlaštenja utvrđenih u propisima i pravilniku iz st. 1. i 2. ovog člana, glavni federalni inspektor vrši naročito sljedeće osnovne poslove:

- 1) neposredno rukovodi inspekcijom iz Federalne uprave,
- 2) planira i neposredno na terenu organizira vršenje inspeksijskog nadzora i u vršenju tih poslova odlučuje o pitanjima za koja je zakonom ovlašten,
- 3) ostvaruje saradnju sa inspekcijom iz kantonalne uprave u cilju pružanja pomoći toj inspekciji na pravilnom vršenju inspekcije iz nadležnosti kantona u pitanjima koja su Zakonom o zaštiti i spašavanju stavljena u nadležnost inspekcije kantonalne uprave i u tim pitanjima postupaju u granicama ovlaštenja koja su utvrđena u odredbama čl. 133. i 134. Zakona o organizaciji uprave.

Član 10.

Glavni federalni inspektor, federalni inspektori i rukovođeci i ostali državni službenici ovlašteni za vršenje inspeksijskog nadzora iz člana 7. ovog pravilnika, inspeksijski nadzor pokreću i vode po Zakonu o upravnom postupku ("Službene novine Federacije BiH", broj 2/98 i 48/99), a u skladu sa odredbama čl. 117. do 132. Zakona o organizaciji uprave u Federaciji Bosne i Hercegovine ("Službene novine Federacije BiH, broj 35/05 - u daljnjem tekstu: Zakon o organizaciji uprave).

Član 11.

Inspeksijski nadzor se vrši prema godišnjem programu inspeksijskog nadzora koji donosi direktor Federalne uprave na prijedlog glavnog federalnog inspektora, a ako glavni inspektor ne postoji, taj program se donosi na prijedlog federalnih inspektora.

Program iz stava 1. ovog člana sadrži: organe uprave, službe i pravna lica iz člana 5. ovog pravilnika u kojima će se vršiti inspeksijski nadzor, sadržaj pitanja koja će se obuhvatiti nadzorom i vrijeme vršenja tog nadzora.

Realizaciju programa iz stava 1. ovog člana osigurava glavni federalni inspektor, po planu rada koji sadrži nazive organa uprave, službi za upravu i pravnih lica iz programa u kojima će se vršiti inspeksijski nadzor, vrijeme vršenja nadzora, sastav inspekcije i način organizacije i pripreme inspekcije za vršenje inspeksijskog nadzora. Taj plan donosi glavni federalni inspektor u skladu sa programom iz stava 1. ovog člana.

Član 12.

Inspeksijski nadzor vrši se kao redovan, vanredan ili ponovni, a po obimu potpuni ili djelimični.

Inspeksijski nadzor iz stava 1. ovog člana može biti najavljen ili nenajavljen.

Redovni inspeksijski nadzor, po pravilu, najavljuje se na 30 dana prije dana predviđenog za vršenje tog nadzora.

Redovni inspeksijski nadzor, po pravilu, obuhvata potpuni pregled svih pitanja obuhvaćenih planom rada, a vanredni ili ponovni nadzor obuhvata samo određena pitanja.

Ponovni inspeksijski nadzor vrši se kod organa uprave, službi za upravu i u pravnim licima kod kojih je prilikom redovnog pregleda utvrđeno nezadovoljavajuće stanje u oblasti zaštite i spašavanja i naložene mjere za otklanjanje utvrđenih nedostataka.

Ponovni nadzor se vrši, po pravilu, u roku od tri mjeseca od dana izvršenog redovnog inspeksijskog nadzora.

Član 13.

Prije otpočinjanja vršenja inspeksijskog nadzora, glavni federalni inspektor koji rukovodi inspekcijom, dužan je rukovodiocu organa uprave, a u općini i gradu općinskom načelniku, odnosno gradonačelniku i direktoru pravnog lica predstaviti se i pokazati iskaznicu inspektora i te rukovodioce upoznati o sastavu inspekcije, cilju, sadržaju, metodi rada i pitanjima koja će biti obuhvaćena inspeksijskim nadzorom, a onda se u dogovoru sa rukovodiocem određuje službeno lice iz organa i službe, odnosno pravnog lica koje će prisustvovati inspeksijskom pregledu.

Nakon upoznavanja o pitanjima iz stava 1. ovog člana i određivanje lica koje će prisustvovati inspeksijskom pregledu, inspekcija pristupa vršenju planiranog inspeksijskog nadzora.

Član 14.

Inspeksijski nadzor se vrši uvidom u planska i druga dokumenta iz člana 7. ovog pravilnika koja se odnose na pitanja iz člana 6. ovog pravilnika, a koja čine predmet inspeksijskog nadzora, s tim što se vrši i pregled objekata i sredstava koja su osigurana za potrebe civilne zaštite, odnosno za potrebe zaštite i spašavanja.

Član 15.

Nakon završenog inspeksijskog pregleda, federalni inspektori su dužni sastaviti zapisnik o izvršenom inspeksijskom nadzoru. Zapisnik sadrži pitanja koja su Zakonom o upravnom postupku predviđena za zapisnik. U taj zapisnik se obavezno unose sljedeći podaci:

- 1) naziv organa uprave ili službe za upravu ili drugog subjekta, odnosno pravnog lica u kojem je izvršen inspeksijski nadzor,
- 2) dan i sat vršenja inspeksijskog nadzora,
- 3) naziv svakog planskog dokumenta, općeg i pojedinačnog akta, sa brojem i datumom koji su pregledani,
- 4) za sve dokumente i akte iz tačke 3. ovog člana daje se procjena o njihovom kvalitetu, realnosti i upotrebljivosti u odnosu na raspoložive ljudske, materijalne i druge uslove, kao i procjena da li su svi ti dokumenti izrađeni u skladu sa Zakonom o zaštiti i spašavanju i podzakonskim propisima donešenim na osnovu tog zakona,
- 5) zaključak sa kratkom konstatacijom o stanju dokumenata i akata iz tačke 4. ovog člana i konačna procjena o tome

- 6) konstatacija da li će se vršiti ponovni inspeksijski nadzor, sadržaj pitanja koji podliježu ponovnom pregledu i vrijeme vršenja tog pregleda,
- 7) konstataciju da li će se donositi rješenje o naređivanju otklanjanja utvrđenih nepravilnosti, zahtjev za pokretanje prekršajnog postupka, odnosno krivična prijava za pokretanje krivičnog postupka,
- 8) pouka da se protiv zapisnika ne mogu koristiti pravni lijekovi.

Zapisnik potpisuje inspektor koji je izvršio inspeksijski pregled i rukovodilac, odnosno lice iz člana 13. stav 1. ovog pravilnika koje je prisustvovalo inspeksijskom pregledu.

Primjerak zapisnika uručuje se rukovodiocu organa uprave, odnosno općinskom načelniku i gradonačelniku i direktoru pravnog lica kod kojih je izvršen inspeksijski nadzor na sastanku iz člana 18. ovog pravilnika.

Član 16.

Rješenje kojim se naređuje otklanjanje utvrđenih nepravilnosti izrađuje se prema Zakonu o upravnom postupku, a zahtjev za pokretanje prekršajnog postupka sastavlja se prema odgovarajućim odredbama Zakona o prekršajima Federacije Bosne i Hercegovine ("Službene novine Federacije BiH", broj 31/06), koje se odnose na sadržaj tog zahtjeva, dok se krivična prijava sastavlja prema odgovarajućim odredbama Zakona o krivičnom postupku Federacije Bosne i Hercegovine ("Službene novine Federacije BiH", br. 35/03, 37/03, 56/03 i 28/05) koje se odnose na krivičnu prijavu.

Član 17.

Zahtjev za pokretanje prekršajnog postupka, odnosno krivična prijava za krivično djelo podnosi se u sljedećim slučajevima i to:

- 1) zahtjev za pokretanje prekršajnog postupka podnosi se onda kada se utvrdi da je učinjen prekršaj iz odredaba čl. 194. do 196a. Zakona o zaštiti i spašavanju i prekršaj iz člana 149. stav 1. tačka 8. i 9. i člana 150. stav 1. tač. 13. i 14. Zakona o organizaciji uprave,
- 2) krivična prijava se podnosi onda kada se utvrdi da postoje osnovi sumnje da je izvršeno određeno krivično djelo predviđeno Krivičnim zakonom Federacije Bosne i Hercegovine ("Službene novine Federacije BiH", br. 36/03, 37/03, 21/04 i 18/05).

Zahtjev za pokretanje prekršajnog postupka podnosi se nadležnom općinskom sudu, a krivična prijava se podnosi nadležnom tužilaštvu.

Član 18.

Nakon završenog inspeksijskog pregleda glavni federalni inspektor, odnosno federalni inspektor koji je rukovodio inspekcijom organizira sastanak sa rukovodiocem organa uprave, odnosno općinskim načelnikom i gradonačelnikom, a u pravnom licu sa direktorom pravnog lica na kojem inspektori te rukovodiocem upoznaju o utvrđenom stanju u oblasti civilne zaštite, odnosno u oblasti zaštite i spašavanja koje je bilo predmet inspeksijskog nadzora, ocjeni tog stanja i preduzetim mjerama.

Član 19.

Glavni federalni inspektor svaka tri mjeseca sastavlja zbirni izvještaj o ukupnom stanju i problemima u oblasti zaštite i spašavanja koji je u tom tromjesečju izvršen prema programu inspeksijskog nadzora. Taj izvještaj sadrži sljedeće podatke i to:

- 1) nazive organa uprave, službi za upravu i pravnih lica u kojima je izvršen inspeksijski nadzor i vrijeme vršenja tog nadzora,
- 2) nazive planskih dokumenata, općih i pojedinačnih akata, objekata i sredstava koja su obuhvaćena inspeksijskim nadzorom i njihove usklađenosti sa Zakonom o zaštiti i spašavanju i propisima donešenim na osnovu tog zakona, njihove realnosti i upotrebljivosti prema procjenama ugroženosti, potrebama u kadrovskim, materijalnim i drugim uslovima,

- 3) poseban osvrt na pitanja koja nisu riješena ili su nepravilno ili pogrešno riješena,
- 4) prijedlog mjera i aktivnosti koja bi trebalo preduzeti u cilju otklanjanja utvrđenih nedostataka i nepravilnosti i rok u kojem bi trebalo izvršiti te mjere i aktivnosti.

Zbirni izvještaj se dostavlja direktoru Federalne uprave i rukovodiocima federalnih i kantonalnih organa uprave, općinskim načelnicima i gradonačelniku i direktorima pravnih lica koji su obuhvaćeni tim izvještajem.

Član 20.

Glavni federalni inspektor priprema godišnji izvještaj o izvršenim inspeksijskim pregledima u toku godine i nađenom stanju i problemima utvrđenim u oblasti zaštite i spašavanja.

Izvještaj iz stava 1. ovog člana izrađuje se prema odredbama člana 19. ovog pravilnika.

Izvještaj za stanje u Federaciji se podnosi Vladi Federacije, a za stanje u kantonima, gradu i općinama izvještaj se podnosi vladi kantona, odnosno općinskom načelniku i gradonačelniku u kojima je vršen inspeksijski nadzor.

III. PRIPREME I STRUČNO OSPOSOBLJAVANJE INSPEKTORA I DRŽAVNIH SLUŽBENIKA OVLAŠTENIH ZA VRŠENJE INSPEKCIJSKOG NADZORA

Član 21.

U cilju stručnog osposobljavanja inspektora i državnih službenika ovlaštenih za vršenje inspeksijskog nadzora, organizuju se i provode pripreme i obuka i osposobljavanje za vršenje inspeksijskog nadzora.

Pripreme se provode za svaki planirani inspeksijski nadzor na kojem se inspektori i državni službenici ovlašteni za vršenje inspeksijskog nadzora upoznaju sa planom inspeksijskog nadzora, pitanjima koja su predmet inspeksijskog nadzora i način vršenja nadzora i drugim pitanjima važnim za izvršenje planiranog nadzora.

Obuka i osposobljavanje iz stava 1. ovog člana vrši se prema godišnjem programu obuke federalnih inspektora i državnih službenika ovlaštenih za vršenje inspeksijskog nadzora koji donosi direktor Federalne uprave na prijedlog glavnog federalnog inspektora.

Federalni inspektori i državni službenici iz stava 1. ovog člana, dužni su prisustvovati pripremi, odnosno pohađati obuku i osposobljavanje prema planu i programu iz st. 2. i 3. ovog člana.

IV. SADRŽAJ I NAČIN VOĐENJA EVIDENCIJE O IZVRŠENIM INSPEKCIJSKIM PREGLEDIMA

Član 22.

Glavni federalni inspektor, federalni inspektori i državni službenici iz člana 3. ovog pravilnika ovlašteni za vršenje inspeksijskog nadzora, dužni su voditi evidenciju o izvršenim inspeksijskim pregledima.

Član 23.

Evidencija o izvršenim inspeksijskim pregledima u oblasti zaštite i spašavanja vodi se u knjizi evidencije o izvršenim inspeksijskim pregledima koja je predviđena u Pravilniku iz člana 4. stav 2. ovog pravilnika.

Evidencija se vodi na način propisan u čl.10. do 12. Pravilnika o iskaznici inspektora.

V. SADRŽAJ I NAČIN VRŠENJA INSPEKCIJSKOG NADZORA IZ NADLEŽNOSTI KANTONALNE UPRAVE

Član 24.

U skladu sa odredbom člana 191. stav 1. Zakona o zaštiti i spašavanju, inspeksijski nadzor iz nadležnosti kantonalne uprave, vrši se u sljedećim organima i pravnim licima i to:

- 1) u kantonalnim ministarstvima i drugim organima kantonalne uprave i kantonalnim upravnim organizacijama i stručnim službama kantonalnih organa vlasti,
- 2) u općinskim službama za upravu i drugim organima općinske uprave i stručnim službama općinskih organa vlasti,

- 3) u pravnim licima iz člana 32. stav 1. Zakona o zaštiti i spašavanju od značaja za zaštitu i spašavanje kantona, odnosno od značaja za općinu i grad, kao i u pravnim licima i udruženjima u kojima su formirane kantonalne, odnosno općinske i gradske službe zaštite i spašavanja.

Član 25.

Kantonalna uprava vrši inspekcijski nadzor u odnosu na pitanja organiziranja i funkcioniranja civilne zaštite, odnosno zaštite i spašavanja iz nadležnosti kantona, grada i općine, koja su odredbom člana 191. stav 1. Zakona o zaštiti i spašavanju, stavljena u nadležnost kantonalne uprave što se odnose na sljedeća pitanja i to:

- 1) provođenje Zakona o zaštiti i spašavanju u pitanjima koja su u nadležnosti kantona i pripreme kantonalnih ministarstava i drugih organa kantonalne uprave;
- 2) provođenje Zakona o zaštiti i spašavanju u pitanjima koja su u nadležnosti općina i pripreme općinskih službi za upravu;
- 3) pripreme u službama zaštite i spašavanja koje organizira kanton i općina;
- 4) mjere zaštite i spašavanja koje proizlaze iz plana zaštite i spašavanja kantona i općine;
- 5) pripreme civilne zaštite u pravnim licima iz člana 32. Zakona o zaštiti i spašavanju od značaja za kanton i općinu;
- 6) izdvajanje i korištenje sredstava u budžetu i drugih sredstava namijenjenih za finansiranje civilne zaštite i skloništa iz nadležnosti kantona i općina, kao i prikupljanje, čuvanje i korištenje sredstava iz člana 180. Zakona o zaštiti i spašavanju iz nadležnosti kantona, općine i grada;
- 7) organiziranje i obučavanje kantonalnog i općinskih štabova civilne zaštite i jedinica civilne zaštite kantona i općina;
- 8) organiziranje i obučavanje kantonalnog i općinskih operativnih centara civilne zaštite;
- 9) raspored ljudstva u civilnu zaštitu u kantonu i općinama.

Član 26.

Odredbe čl. 2. do 4. i čl. 7. do 23. ovog pravilnika, koje se odnose na organizaciju i način vršenja inspekcijskog nadzora iz nadležnosti Federalne uprave, analogno se primjenjuju i na sadržaj i način vršenja inspekcijskog nadzora u oblasti zaštite i spašavanja iz nadležnosti kantonalne uprave iz člana 25. ovog pravilnika, koji se vrši u organima uprave, službama za upravu i pravnim licima iz člana 24. ovog pravilnika.

VI. ZAVRŠNA ODREDBA

Član 27.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-02/2-512/06
28. decembra 2006. godine
Sarajevo

Direktor
Alija Tihčić, s. r.